



八旗通志
初集
(29)

八旗通志初集卷之一百七十一

名臣列傳三十一

正白旗蒙古世職大臣

吳內格巴克什

奇默黑圖

明安達禮

子都客

充固巴圖魯

義爾克奇代青

董俄羅

色爾格克

顧魯古

阿第

克錫圖

正紅旗蒙古世職大臣

恩格圖

鑲白旗蒙古世職大臣

綽拜

塞稜策臣

郭爾欽

沙理布

鑲紅旗蒙古世職大臣

班第思奇普

子多爾濟

叟格杜楞

子渾津
孫阿里渾

正藍旗蒙古世職大臣

畢力克圖

布爾哈都

祁塔特車爾貝

阿機拜

莽格圖

鑲藍旗蒙古世職大臣

甘篤

圖瞻子拜丹

渾錦畢喇習

充錦通



吳內格巴克什。蒙古正白旗人。先居葉赫。

國初率妻子來歸。癸丑年從。

太祖高皇帝征烏喇。布占泰貝勒詭詞求免。

太祖猶有許其改過之意。吳內格與五大臣等並言。布占泰反覆難信。力主進戰。奮勇直前。遂滅烏喇。以功授三等副將世職。天命十一年從征明。攻寧遠城未下。奉遣擊明覺華島。兵敗之。吳內格性聰敏。兼通蒙古文及漢文。因

賜名巴克什。天聰三年九月從。

太宗文皇帝征明。由龍井關入。十一月克遵化。進逼北

京辛丑營於城北土城關。瞭見東南隅有軍。遣
巡撫袁崇煥。錦州總兵祖大壽率兵來援。我左
翼蒙古固山往擊。不俟整隊。驟馬而進。遂敗而
歸。吳內格巴克什。及外藩扎魯特貝勒寨本馬
尼。突入迎戰。始擊敗之。

太宗奪蒙古諸貝勒俘獲物。以一半與吳內格巴克什。
令賞進戰將士。十二月。吳內格以總兵官偕副
將蘇納額駙。及明安貝勒。恩格德爾額駙。率滿
洲兵八十名。統蒙古全軍。往征察哈爾國。降其
邊境二千戶。攜之以歸。吳內格聞察哈爾蒙古

戶口。因我兵少。謀殺我兵歸明。於是盡殺其男
子。俘其妻孥。止釋二台吉不殺。既還。以所俘八
千八百三十人。賞給出征將士。尋以吳內格蘇
納殺戮降民。盡奪所給駝馬牛羊。四年春正月
大兵征明。克永平。二月。有明騎卒三千。自玉田
縣衝出。至吳內格巴克什營前。吳內格整兵欲
進。明兵覺之。遂遁。因追襲其後。獲馬百匹。五年
秋七月。

太宗親征明。吳內格巴克什。途獲明杏山官員所遺遺
書與祖大壽之人。八月。兵抵大凌河。令吳內格

率本旗蒙古兵圍南面之東。時吳內格爲蒙古固山額真也。

太宗出營。幸貝勒阿濟格軍。見大凌河城內兵突出。圖我所得之臺。卽令各旗固山額真率兵出營。齊進夾攻。敵兵大敗。望城爭遁。吳內格率兵追殺至城壕始還。九月。以阿濟格貝勒及吳內格巴克什等。敗大凌河衝出兵。遣十二人往瀋陽宣布捷音。六年四月。

太宗親征察哈爾。聞林丹汗西遁。遂議証明。庚申。大兵次木魯哈喇克沁地方。分兵爲兩翼。吳內格奉

命隨左翼帥阿濟格貝勒往畧大同宣府邊外一帶察
哈爾部民。八年五月始敘各官功次。賜之敕書。
吳內格進封三等公。與和碩圖等六人准世襲
不替。六月大兵次習禮地方。吳內格同德格類
貝勒攜察哈爾國歸附千餘戶來見。以其人戶
分給八旗。八年六月。

命吳內格同德格類貝勒等統兵征明。時蒙古兵分兩
翼。吳內格爲左翼。固山額真與諸貝勒兵俱進
獨石口。遇敵人拒戰者殺之。取其地方。直探居
庸。會大軍於朔州。休兵秣馬。以候進取日期。閏

八月遣敦多惠率四十人。資勅諭三道。往諭留
守諸貝勒。敕兩藍旗公吳內格等。由獨石口入。
未至長城。隨兩白旗踪跡。亦由保安州會大兵。
於應州。時吳內格爲蒙古兩翼主帥。率兵自得
勝堡來。收得逃入陽和之蒙古四百七十人。攜
之以歸。適有喀爾喀部落恩格德爾額駙之姪。
自察哈爾逃來。爲人邀殺於路。巴渾之子亦被
掠去。內有一人得脫來奏。

太宗遂遣吳內格同阿代。率四將帶兵百人。及喀喇沁
土默特部落將四員兵百人。往緝掠巴渾子之

人。壬寅吳內格阿代等還奏言遇掠巴渾子者三十人殺二十餘人。吳內格驍勇善戰。所至有功。初我國遣善拜駐大安口城。爲明兵攻奪。吳內格卽往攻之。遂復其城。九年卒。

恩卹如典禮。

奇默黑圖蒙古正白旗人。初事

太祖高皇帝。積著勤勞。累陞梅勒章京。天命七年。從大兵征明。略中後所。同沙爾呼達。率四十人窺寧遠。遇敵兵百人。逐之抵其營。斬二人還。旣又同沙爾呼達等率哨騎自木魯俄欣河歸。過錦州。

城中以五百騎來追奇默黑圖返擊之獲馬六十匹。肅二杆十一年從大兵圍錦州。城中兵出戰。奇默黑圖縱騎出截其軍。斬十人。崇德六年。同蘇拜擊松山兵敗之。旋往征薩哈連烏喇。同格爾忒擊降都理村。於是旁近村落皆降。順治元年。從征流寇有功。授牛錄章京世職。任至梅勒章京。五年卒。

明安達理蒙古正白旗人。姓席魯特氏。世居科爾沁地方。父博波圖。天命初年。自科爾沁來歸。授遊擊世職。天聰元年。從大兵征明。戰於錦州。

陣亡。明安達理襲父職。崇德三年。隨陽威大將軍貝勒岳託征明。同固山額真伊拜擊明洪太監軍敗之。攻南和縣。克其城。六年。隨大兵圍錦州。破明經略洪承疇三營步兵。在事有功。加世職爲二等甲喇章京。七年。復從大兵征明。擊三河縣步兵敗之。八年。任本旗梅勒章京。順治二年遇

恩詔。加世職爲一等甲喇章京。從英親王阿濟格征流賊。至延安府。七戰皆捷。招降鳳翔等四府。並在有功。加世職爲三等梅勒章京。三年。隨陽威

大將軍德豫親王多鐸征騰機思斬十一人。加世職爲二等梅勒章京。四年任兵部侍郎。考滿。加世職爲一等梅勒章京。五年遷本旗固山額真。兼侍郎如故。七年三月。

恩詔。加一拖沙喇哈番。世襲罔替。旋陞兵部尚書。十月坐事。削拖沙喇哈番。八月免固山額真任。九年兩遇。

恩詔。累加世職爲二等精奇尼哈番。十年二月坐事。免尚書任。降世職爲一等阿達哈哈番。兼一拖沙喇哈番。世襲罔替。明安達理雖已註吏議。而在。

部日久。練達諸事。

恩眷甚隆。十三年五月。理藩院尚書缺人。

特旨起用。十五年十二月奉

命爲安南將軍。駐防貴州。十六年二月。移駐荊州。八月。海寇犯江寧。率師往援。擊僞都督楊文英等於荻港。陣斬僞副將一員。十八年九月。調兵部尚書。康熙三年四月考滿。加太子太保。六年正月。調吏部尚書。是年考滿。以病自陳。

詔以原官致仕。七年卒。

賜諡敏果。子都客襲一等阿達哈哈番。又一拖沙喇哈